



Absenzas

Il reglament d'absenzas ei publicaus silla pagina d'internet www.scolasbreil.com. Sch'in scolar ei malsauns ni sto muncar muort in auter motiv, supplichein nus d'informar la scolasta da classa aunc avon l'entschatta dall'instrucziun (WhatsApp, SMS, mail).

Accidents

Cuosts d'accidents che schabegian duront scola/scoletta surpren la segirada d'accidents privata.

Allergias

Ei sa esser d'impurtonza d'informar la scolasta da classa pertuccont allergias ni malsognas da Vies affon.

Attestat

Alla fin digl 1. semester dat ei in attestat intermediar. Alla fin digl onn scolar dat ei in attestat final. Las notas digl εμπrem attestat quantan era pil secund.

Bandunar igl areal da scola

Duront il temps da scola eis ei buca lubiu da bandunar igl areal da scola senza consentiment dallas personas d'instrucziun.

Bus da scola

Ils bigliets pil bus da scola ein valeivels pigl entir tschancun Breil-Tavanasa. Ils scolars ston adina haver ils bigliets cun els.

Cargada e scargada

Affons da purs e fumegls e fumitgasas da purs san prender liber ½ di per segidar vid la cargada dallas alps. La damonda sto vegnir inoltrada cul „Schurnal“ tier il scolast da classa.

Contact

Il contact denter la scola ed il dacasa stat a cor a nus. En cass da damondas, impuls, problems ni objecziuns supplichein nus da conctar nus (scolasts, scolast da classa, menader da scola, ni cumissiun da scola).

Dentist da scola

Mintgamai gl'atun ha liug la controlla da dents entras il dentist da scola. Scolaras e scolars che san buca cumprovar la controlla annuala entochen l'entschatta settember, vegnan annunziai dalla scola per la controlla.

Di da joker

Ils scolars san far diever d'in di da joker per onn. Quel ei d'annunziar ordavon cul formular corrispondent, d'anflar silla pagina d'internet.

Discuors individuals

Il november/december han liug ils discuors individuals culs singuls scolars e lur geniturs. Ulteriurs discuors individuals san vegnir fixai tenor giavisch e basegns.

Dis da portas aviartas

Ils dis da portas aviartas vegnan publicai silla pagina d'internet.

Elecziun da clamada

Al scalem superiuor ei l'elecziun da clamada part dall'instrucziun. En collaboraziun culs scolasts, geniturs e la cussegliaziun da clamada a Glion vegnan ils scolars accumpignai sin quella via.

Instrucziun che croda

Sch'in scolast ei malsauns croda l'instrucziun, denton mo el cass ch'ei selai buca organisar ina substituziun ni ina survigilanza entras in scolast dil team.

Instrucziun da religiun

Affons che viesetan buca l'instrucziun da religiun astgan vegnir pli tard a scola ni ir pli baul a casa, priu che las lecziuns sesanflien agl ur digl urari. Sch'ei settracta da lecziuns intermediaras, duein ils scolars passentar quei temps en casa da scola tenor ordinaziun dils scolasts.

<p>Instrucziun da traffic L'instrucziun da traffic che ha liug en scoletta ed ellas scolas primaras vegn salvada dalla polizia cantunala.</p>
<p>Maletg empalont En nies mintgadi da scola sestentein nus per buna qualitat. Il „Maletg empalont“ che descriva ils treis aspects convivenza, instrucziun, organisaziun ei in muossavia persuerter.</p>
<p>Miedi da scola Cun l'entrada en scola ed alla fin dil temps obligatori da scola ha liug ina controlla medicinala. Quella sa vegnir fatga dil miedi da scola, da casa, ni d'affons.</p>
<p>Occurrenz specialas da scola Allas occurrenz tradiziunals da nosa scola appartegnan per regla ils viadis da scola, il di da sport d'atun, ils dis da sport d'unviern, l'jamna da project, produczions da Nadal, occurrenz finalas. Ulteriuras occurrenz specialas ein pusseivlas.</p>
<p>Pagina d'internet La pagina d'internet ei d'anflar tier la pagina da vischnaunca www.breil.ch/viver a Breil/scola ni directamein sut www.scolasbreil.com. La pagina ei il liug d'informaziun e da publicaziun.</p>
<p>Pausa A caschun dallas pausas grondas digl avonmiezdi e dil suentermiezdi eis ei d'avantatg sch'ils scolars maglian zatgei, p.ex. ina sauna marena prida da casa sco paunins, fretgs, legums.</p>
<p>Plugls Adina puspei vegn la scola confruntada cun plugls. El senn dalla prevenziun e per evitar la derasaziun da quella mulesta ha la scola fixau igl agir en in reglament ed eligiu ina persuna responsabla persuerter. Il reglament ei publicaus silla pagina d'internet. L'emprema controlla ordinaria ha liug la mesjamna suenter l'entschatta dalla scola. La secunda controlla ordinaria ha liug la mesjamna suenter las vacanzas da Nadal.</p>
<p>Prevenziun Adina puspei organisescha la scola ina ni pliras occurrenz da prevenziun davart differents temas.</p>
<p>Qualitad La qualitad dalla scola vegn controllada periodicamein digl inspecturat.</p>
<p>Reglaments Reglaments impurtonts ed ordinaziuns ein d'anflar silla pagina d'internet.</p>
<p>Sanadad La sanadad cumpeggia oravontut aspects corporals, psychics, socials. Nus sestentein per la promoziun dil beinesser da tuttas personas cumpigliadas cul menaschi da scola.</p>
<p>Sera da geniturs generala El decuors dallas empremas jamnas digl onn da scola organisescha la scola ina sera da geniturs generala. El center da quella sera stat il contact e l'informaziun.</p>
<p>Structuras dil di Il reglament corrispudent ei d'anflar silla pagina d'internet.</p>
<p>Temps da spetga Affons che ston spitgar pli ditg la partenza dil bus da scola san far quei en casa da scola tenor ordinaziun dallas personas d'instrucziun.</p>
<p>Uorden disciplinar Igl uorden disciplinar duei gidar da contonscher in menaschi da scola che lubescha da luvrar, scolar e sescolar a moda efficienta ed emperneivla. Igl uorden ei publicaus silla pagina.</p>
<p>Uris e plan digl onn Ils uris dallas singulas classas sco era il plan digl onn cun indicaziuns davart occurrenz specialas e las vacanzas ein publicai silla pagina.</p>
<p>Via a scola La via a scola ei da far a pei ni cul bus da scola. La responsabladad per la via a scola schai els mauns dils geniturs.</p>